

Enformaziuns y Comunicaziuns



Manco restriziuns te dljia: Con la fin de merz é jüda a piz tla Talia la situaziun d'emergenza por le Covid. Con i 1. d'aorí él porchèl jü en forza plü alesiraziuns ince te dljia. Le Vësco Ivo Muser y le Vicar General siur Eugen Runggaldier á lascé alessèi **cöstes novitês:**

a) al ne vá nia plü debojügn da tigní les destanzas te proca, porchèl n'é les proches gnanca plü amarsciades; **b)** al n'é nia plü fissé en limo por le numer de fedei co pó ete te dljia; **c)** con la Sabeda Santa gnarál endô emplí i bochès dal'ega santa.

Le Vësco y le Vicar General fej ince en apel da **mostré ennant responsabilité y respet tal confrunt dai atri. Cöstes é söes racomanaziuns:**

a) an dess tó ennant le mascherot dertan les funziuns y canche an vá ala comegnun; **b)** an dess se dejinfeté les mans canche an vën a dljia; **c)** pal sègno dla pêsc ne dessun nia se toché la man o s'abracé; **d)** chi co á borjú o sintoms da coies ne dess nia gní a dljia.

Edema Santa: La Ploania lascia alessèi che por l'Edema Santa sarál eniann val' novitês tai orars, por pordèi tigní les funziuns te vigne païsc. Deache signor Tone Fiung jará a daidé fora ta San Martin, sarál nosc ploan co tin les funziuns a Al Plan y La Pli. Pla funziun dla **Jöbia Santa** ne se müdel nia; **le Vëndres Sanc** é la funziun ales 15:00 ia La Pli y **ales 17:00 tló Al Plan**; **la Sabeda Santa é la funziun ales 19:00 tló Al Plan** y ales 21:00 ia La Pli.

Gran Suplica por la pêsc

Ples Gran Supliches dal Vëndres Sanc gnarál eniann enjunté na suplica **Por düc chi co é tai raiuns de vera.** Na oraziun ch'i podun ince dí a ciasa.

*Periun por les porsones tl'Ucraina y te düc i raiuns de vera fora por le monn;
por düc chi co é sciampês dal spaont dla violënza
y é gnüs derobês de so daciasa;
por dötes les ères y düc i èi co stá ete con söa vita
por paré ciará le mal y por sconé i debli y i porseghitês. (chît)*

*Dio onipotënt y etern,
t'as compasciun con i püri y i debli y te rodoses chi co i ciapa sot.
Desche t'as da en tomp delibré Israel dala stlavité dal Egit,
salva encö chi co é vitimes dla violënza y dla vera.
Convertësc le cör de chi co fej dal mal y lascia davagné la pêsc.
Por Crist, nosc Signur. Amen*



Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. **333 4762010** Mail: **ploaniaalplan@gmail.com**
Download plata: **www.unitepastorala.org**



Plata dla Ploania Al Plan de Mareo San Vigile

Ploan: **Signor Klaus Sottsas**
E-Mail: **klsottsas@rolmail.net**

Calogna Al Plan: **0474 501006**
Radio de Ploania: **93,00 MHz**

UNITÉ PASTORALA



VAL BADIA

www.unitepastorala.org

Ann C

03.04.2022 - Cuinta Domëgna de Carsëma

nr. 19

Gnanca iu ne te condanëii...

Dal Vagnele dô San Luca 8, 1-11

Te chël tomp ¹é Gejú jü sön la Munt dal Orí. ²Da doman adora èl endô jü tal tëmpl. Döt le popul gnea da d'ël, y èl s'á sonté jö y l'istruia. ³Danló ti á i stüdiês dla lege y i farisèi condüt na èra, gnüda abinada söle fat da rumper le matrimone. Ai l'á motüda amez ⁴y ti á dit a d'ël: Maester, cösta èra é gnüda abinada söle fat ch'ara rumpia le matrimone. ⁵Mosé nes á scrit dant tla lege che de te' ères é da spedré. Sën, ci nen dijte pa tö? ⁶Con cösta domanda orèi le mèter ala proa, por avèi na gauja da le denunzié. Gejú endere s'á cüfé jö y s'á motü da scrí con le dèit ia por tera. ⁷Canch'ai sighthâ da le damané ennant, él loé sö y ti á dit: Chël de os co é zonza picé dess por pröm sciüré na pera cuntra de èra. ⁸Al s'á endô cüfé jö y sciea ennant ia por tera. ⁹Dô ch'ai â albü aldí söa risposta, s'an éσαι jüs önn endôlater, danfora i plü vedli. Gejú é romagnü endô su con la èra co ea ciamó danló amez. ¹⁰Al é loé sö y ti á dit: Èra, ola éσαι pa? Ne t'á degügn condané? ¹¹Ara á rospognü: Degügn, Signur. Danló ti á dit Gejú: Gnanca iu ne te condanëii. Vá, y da sën ennant no plü fá picé! **Parora dal Signur. - Lalt a te, Gejú Crist!**



I meditun le Vagnele



- Degüna porsona ne pó iudiché l'atra. Gejú nes recorda ch'í án düc nostes manciänzes y orun gní pordenês da Chël Bel Dio. Porchèl messunse ince nos mostré misericordia por i atri.
- La èra co á falé vën fora renovada da söa encuntada con Gejú. Mâ èl nes scinca la forza da superé le mal y da ciáfé endô zoruch la dërta ligrëza y serenité.

I periun ensciö



Signur Gejú, i sonti gran amiraziun por töa calma y töa sapionza. I ess orü ester enló y odèi la scena, le müs de chi co s'an jea, zonza ti trá ados la pera a chë püra èra. Tö es bun da trá sotissora i superbi, te ciáfes les parores por apajé ia i capazi, t'es bun da davagné sön la vèia de vendëta y la falza iustizia. Fá che i sunse sciompli y ch'í ánse la consapevolëza ince de nostes manciänzes, por ch'í n'ánse nia l'aroganza da iudiché chi co fala. Y dísse ince a nos chës parores: „Gnanca iu ne te condanëii. Vá y no plü fá picé!“ (W. Cazzaniga, Parola Amica)

Edema liturgica dai 03.04. ai 10.04.2022

DOM 03.	Cuinta domëgna de Carsëma <i>Richard, Elisabeth Koch</i>	
08:30	<i>s.m. a La Pli</i>	
9:30	corona	
10:00	gran mësxa por dōta la ploania <i>oferta por la ploania</i> LAD +nta Antonia Lanz Miribung - +nta Konrater Anna Palfrader por les Püres Animes	
18:00	Les Staziuns	
Lön 04.	<i>Isidor, Konrad, Heinrich Richter</i>	
18:00	s.m. dal ann por +nt Egon Federa DEU +nt Hochw. Karl Gruber +nc' Gianni Zucchelli y Maria dal Medo por familia de Robert y Lore Kehrer	
Ded 05.	<i>Vinzenz Ferrer, Crescentia, Iuliana</i>	
19:30	corona	
Dem 06.	<i>Zelestin, Sisto, Wilhelm</i>	
18:00	Les Staziuns	
Jöb 07.	<i>Jan Baptist de la Salle, Albert</i>	
18:00	Oraziun: „10 minuc por la pêsc“	
Ven 08.	<i>Walter, Beata</i>	
07:30	s.m. por i scolari LAD dal ann por +nt Hans Leimegger +nc' dla familia de Frieda Lechner +nt Erardi Celestino - +nta Rindler Anastasia	
18:00	Les Staziuns	
Sab 09.	<i>Waltraud, Konrad</i>	
16:30	poscibilitè da se pissié	
17:30	corona	
18:00	s.m. prefestia dal ann por +nta Erlacher Angela, Mirabel dal ann por +nc' Call Angelo y Marianna, de losc +nt Edi Crazzolarà de ringraziament por familia Kosta Erwin y Johanna ITA	
DOM 10.	domëgna dal orí FESTA DAL INGRES DE GEJÚ A IERÚSALEM <i>Engelbert, Magdalena G.</i>	
08:30	<i>s.m. a La Pli</i>	
10:00	gran mësxa por dōta la ploania <i>oferta por la ploania</i> LAD Benedisciun dal orí sòn paiun con ingres te dlija 3. requiem por +nt Eduard Ties +nc' de Comploi Richard y Feichter Maria vís y +nc' dla familia de Eduard Frenner	
18:00	Les Staziuns	



“Al slomines sora de nos Signur, la löm de to müs”

La comunité tol comié da **Eduard Ties**, gnü a mancè con 82 agn. Ai familiars les condolianzes plü sontides. Che al pàlsi tla pêsc de Chël Bel Dio.

I ponsun do:

La comunité cristiana y cristians ongajés á gonot da se confronté nanter ideal y realté.

Canche i proún pa domandes emportantes da realisé i ideai cristiagns, áanse tēma da ne ester nia umans. Y sce i sun dēr “umans”, ne corespognunse nia ala santité divina. Gejú é bun da mēte a löm sides la santité co ince la bonté de Dio. So comportamont se basëia sön la santité de Chël Bel Dio y tal medemo momont sön l’amur infinit. Da Gejú podunse emparé la ert da lié adöm comprenjiun por le proscim y fedelté ai comandamonc dla fede.

I periun:

Bun Dio, tö nes dás entres danö la poscibilitè da mēter man danö. Dásse la forza, da scinché ennant le pordonn. Por Crist, nosc Signur. (SB)

Foto: Cristian Gennari/Romano Siciliani/KNA



„**Sie da, sie hat gesündigt ...“; „Er da, er gehört bestraft ...“** – der ausgestreckte, anklagende, auf andere zeigende Finger ist wahrscheinlich so alt wie die Menschheit selbst. Seit es Regeln des Zusammenlebens gibt, werden Regeln gebrochen, und es gibt immer welche, die darauf hinweisen – in aller Regel bei den anderen. Dass Regelverstöße geahndet werden, ist auch unverzichtbar, da an-

sonsten Zusammenleben kaum möglich wäre. Auch die Ehebrecherin hat Schuld auf sich geladen. Doch Jesus handelt anders. Er zeigt mit dem Finger weder auf die Frau noch auf die Ankläger. Er schreibt damit auf den Boden. Was, wissen wir nicht. Vielleicht: „Erbarmen“. Erbarmen durchbricht den Kreislauf von Schuld und Strafe und ermöglicht neues Leben.

Sorvisc dai Ministronc

Lönesc 04/04 (18:00h), Vëndres 08/04 (07:30h): Armin y Simon Trebo;

Dedemesaledema 06/04 (18:00h): Michelle Agreiter, Elena Frenademetz, Andy y Mattia Ploner, Anita Possamai;

Vëndres 08/04 (18:00h), Domëgna 10/04 (18:00h): Maneschg Pire, Elias y Silvia Obojes, Damian y Matthias Winkler;

Sabeda 09/04 (18:00h): Lea y Oliver Bonato, Jimmy Call, Amelie y Valentina Erlacher, Giovanni Gnesotto, Jonas Rindler;

Domëgna 10/04 (10:00h): Maja Complojer, Chantal, Felix, Lena y Melanie Feichter, Michael Leimegger, Antonio Mauro, David y Romina Palfrader

